

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

«05» «02» 2025 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հասմիկ Հակոբյանի, որը գործում է պետական մարմնի կանոնադրությա հիման վրա, մի կողմից, և «Կամերային երաժշտության ազգային կենտրոն» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Գարեգին Սարգսյանի; որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով Հայաստանի Հանրապետության կառավարության 2024 թվականի դեկտեմբերի 27-ի N 2060-Ն որոշումը (այսուհետ՝ որոշում)՝ որոշման «1168. Արվեստների ծրագիր» ծրագրի «11004. Երաժշտարվեստի և պարարվեստի համերգներ» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում կատարել սույն պայմանագրով ստանձնած պարտավորությունները և իր կանոնադրությամբ նախատեսված գործառույթները, այդ թվում համերգային ծրագրերի ստեղծում, իրականացում, հանդիսատեսի սպասարկում և այլ գործառույթներ (այսուհետ՝ միջոցառումներ)՝ ըստ սույն պայմանագրի անբաժանելի մաս կազմող՝

1.1.1. համերգների կանխատեսվող ֆինանսական և ոչ ֆինանսական ցուցանիշների՝ համաձայն Հավելված N 1-ի,

1.1.2. համերգացանկի՝ համաձայն Հավելված N 2-ի,

1.1.3. ֆինանսական պարտավորությունների կատարման ժամանակացույցի՝ համաձայն Հավելված N 3-ի:

**2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.4-րդ կետով նախատեսված տուգանքը, իսկ սույն պայմանագրով նախատեսված հաշվետվությունների ներկայացման համար սահմանված

ժամկետները չպահպանելու դեպքում՝ սույն պայմանագրի 6.5-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը, կամ նշված գումարի չափով պակասեցնելու հետագա տարիների ֆինանսավորումը, կամ հետագա տարիների պայմանագրերով պարտավորեցնել լրացնելու ոչ ֆինանսական ցուցանիշների թերակատարումը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները,

2.1.8. սույն պայմանագրի 2.4-րդ կետով նախատեսված պարտավորությունները վերանայել (փոփոխություն կատարել) նախորդ տարվա հաշվետվությունների արդյունքների հիման վրա:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառման արդյունքները պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. կազմակերպության ֆինանսական միջոցներից օրենսդրությամբ սահմանված կարգով կազմակերպության տնօրենին եռամսյակային պարբերականությամբ վճարել պարգևատրում՝ տոմսերի վաճառքից նախորդ եռամսյակի ընթացքում ստացված հասույթի 5 (հինգ) տոկոսի չափով և լրացուցիչ 3 (երեք) տոկոսի չափով՝ հիմնական կատարողական ցուցանիշների ամբողջական կատարման համար:

2.2.5. վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

### **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման՝ դրա համար սահմանելով խելամիտ ժամկետներ: Եթե իրականացված միջոցառումների ներկայացված հաշվետվությունները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

### **2.4. Կազմակերպությունը պարտավոր է՝**

2.4.1. ապահովել կազմակերպության գործունեությունը՝ կազմակերպության կանոնադրական նպատակներին և խնդիրներին համապատասխան,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված աշխատանքները՝ համերգացանկում ընդգրկելով դասական և ժամանակակից կոմպոզիտորների ստեղծագործություններ՝ ապահովելով համերգային երկացանկում առնվազն 50% հայ դասական և ժամանակակից, այդ թվում երիտասարդ և սփյուռքահայ կոմպոզիտորների ստեղծագործությունների ընդգրկումը,

2.4.3. ստեղծագործական և դեբյուտային-նորարական ծրագրերի իրականացման ժամանակ առաջնահերթության կարգով ապահովել պետական և երիտասարդական մրցանակների արժանացած, միջազգային և հանրապետական մրցույթների, փառատոների, ստուգատեսների դափնեկիր երիտասարդ ստեղծագործողների ներգրավվածությունը,

2.4.4. ապահովել ստեղծագործական բուհերի «Արվեստի կառավարում» մասնագիտությամբ սովորող ուսանողների պրակտիկայի (փորձառության) ձեռքբերման ծրագրի իրականացումը,

2.4.5. ապահովել գեղարվեստական արդյունքի հասանելիությունը ՀՀ մարզերի, մասնավորաբար՝ համայնքների բնակիչների (ըստ հնարավորության նաև սահմանամերձ), պատերազմից տուժած, հաշմանդամություն ունեցող զինծառայողների, զոհված զինվորների ընտանիքների անդամների համար, ինչպես ստեղծագործական պրոցեսի անմիջական մասնակցի, այնպես էլ հանդիսատեսի կարգավիճակով (առնվազն 17 միջոցառում):

2.4.6. մինչև 2025 թվականի դեկտեմբերի 1-ը պետական մարմինն ներկայացնել կազմակերպության 2026 թվականի համերգացանկը,

2.4.7. սեփական նախաձեռնությամբ իրականացնել ՀՀ ԿԳՄՍ նախարարի հրամանով հաստատված 2025 թվականին նշվող հոբելյաններին նվիրված և կազմակերպության համերգացանկում չներառված առնվազն 1 (մեկ) միջոցառում՝ նախապես համաձայնեցնելով պետական մարմնի հետ: Կազմակերպությունը պարտավորվում է նաև իր տարեկան համերգացանկում ընդգրկել պետության համար հատուկ նշանակություն ունեցող 3 (երեք) տոներից (Հայաստանի Հանրապետության տոն (մայիսի 28), Սահմանադրության օր (հուլիսի 5) և Անկախության տոն (սեպտեմբերի 21) առնվազն 1-ին (մեկին) նվիրված միջոցառում,

2.4.8. յուրաքանչյուր եռամսյակ (եռամսյակի ավարտից հետո տասնօրյա ժամկետում) պետական մարմնին ներկայացնել արվեստի ոլորտում տվյալ եռամսյակում հիմնական կատարողական ցուցանիշները (ՀԿՑ)՝ համաձայն Հավելված N 4-ի (աճողական կարգով),

2.4.9. մարտ-ապրիլ ամիսներին նախատեսել համերգային ծրագիր ֆրանկոֆոնիայի երկամսյակի շրջանակներում,

2.4.10. ապահովել «Մեկնարկ» տաղանդի զարգացման նպատակային ծրագրի անդամների ելույթը՝ Հայաստանի պետական կամերային նվագախմբի հետ,

2.4.11. պետական մարմնի առաջարկությամբ մասնակցել պետական մարմնի կողմից իրականացվող կամ հովանավորվող մշակութային միջոցառումներին (փառատոներ, մրցույթներ, հանդիսավոր երեկոներ, հոբելյանական միջոցառումներ),

2.4.12. կազմակերպությանն ամրացված տարածքներում երրորդ անձանց կրթամշակութային կամ թատերահամերգային միջոցառում իրականացնելու համար ծառայությունների մատուցման գործընթացը իրականացնել համաձայն ՀՀ կրթության, գիտության, մշակույթի և սպորտի նախարարի 2021 թվականի փետրվարի 24-ի N 213-Ա հրամանի,

2.4.13. պետական մարմնի պահանջով հնարավորություն ընձեռել տարեկան առնվազն 20 (քսան) օր կազմակերպությանն ամրացված տարածքներում պետական մարմնի ենթակայությամբ գործող և այլ կազմակերպություններին անվճար կրթամշակութային կամ թատերահամերգային միջոցառում իրականացնելու համար,

2.4.14. պետական մարմնի պահանջով, ըստ անհրաժեշտության, ներկայացնել գովազդատեղեկատվական նյութերի նախագծերը, նոր ծրագր(եր)ի վերաբերյալ ոլորտի մասնագետների եզրակացությունները, ինչպես նաև ապահովել դրա փակ նախնական ունկնդրումը պետական մարմնի ներկայացուցիչների համար,

2.4.15. յուրաքանչյուր եռամսյակ պետական մարմնին ներկայացնել ինքնազբաղ անկախ ստեղծագործողների մասնակցությամբ միջոցառումների ցանկը,

2.4.16. իրականացնել ծրագրերի հանրայնացման անհրաժեշտ գովազդատեղեկատվական արշավներ սոցիալական հարթակներում (տոմսերի վաճառքի հարթակները սոցիալական հարթակներ չեն համարվում): Միջոցառումների իրականացման մասին իրազեկման բոլոր հարթակների տեսանելի վայրում (ազդագրեր, հրավիրատոմսեր, պաստառներ՝ ներառյալ էլեկտրոնային տարբերակները) պարտադիր կերպով հրապարակել ՀՀ զինանշանը և պետական մարմնի անվանումը՝ պահպանելով «Հայաստանի Հանրապետության զինանշանի մասին» ՀՀ օրենքի պահանջները:

Գովազդատեղեկատվական բնույթի այլ հրապարակումներում (մամուլի հրապարակումներ, համերգային ծրագիր-բուկլետներ, տեսահոլովակներ, մամլո հաղորդագրություններ, ասուլիսներ, գրավոր և/կամ բանավոր այլ խոսք) կազմակերպությունը պարտավոր է ոչ միայն հրապարակել ՀՀ զինանշանն ու պետական մարմնի անունը, այլև նշել պետական մարմնի մասնակցության ձևաչափը (պետական մարմնի ֆինանսավորմամբ, պետական մարմնի աջակցությամբ), որը կարող է արտահայտվել ինչպես ուղղակի ֆինանսավորման, այնպես էլ թատերահամերգային դահլիճների տրամադրման և կազմակերպական այլ աջակցության տեսքով:

Համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ միջոցառումներին աջակցող կազմակերպության(ների), ֆինանսավորման չափի և վերջինիս(ներիս) հետ ձեռք բերված այլ պայմանավորվածությունների մասին,

2.4.17. եռամսյակային հաշվետվություն ներկայացնել պետական մարմնին հրապարակային հարթակներում (կայքէջ, Facebook, Youtube, Instagram և այլն) կազմակերպության հետևորդների քանակի, ինչպես նաև յուրաքանչյուր միջոցառման գովազդային շահառուների (Like, Share) մասին,

2.4.18. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.19. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն վերացնելու համար,

2.4.20. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.21. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.22. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին, ինչպես նաև ներկայացնել սույն պայմանագրի կատարմանը վերաբերող ֆինանսական և բովանդակային հաշվետվությունները (ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ): Բովանդակային հաշվետվությամբ ներկայացվում է ամբողջական տեղեկատվություն միջոցառումների իրականացման, հրապարակման և ընթացքի, այդ թվում՝ արդյունքների գնահատման, մասնակիցների քանակի վերաբերյալ, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլն, ներառյալ՝ իրազեկման բոլոր հարթակների տեսանելի վայրում պետական մարմնի վերաբերյալ այլ տեղեկատվական նյութեր)՝ էլեկտրոնային կրիչներով: Կազմակերպությունը պատասխանատվություն է կրում հաշվետվությամբ ներկայացված տվյալների իսկության համար,

2.4.23. պետական մարմնին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի

N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով: Փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպությունում և վերջինս պատասխանատվություն է կրում հաշվետվությամբ ներկայացված տվյալների հավաստիության համար,

2.4.24. պետական մարմնի կողմից հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.25. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան, իսկ միջոցառումների համար կազմակերպության կողմից ընդգրկվող աշխատողների հետ աշխատանքային հարաբերությունները կարգավորել ՀՀ Աշխատանքային օրենսգրքով սահմանված կարգով,

2.4.26. պետական մարմնի հետ նախապես համաձայնեցնել նրա իրավասությանը վերապահված հարցերի լուծման տարբերակները,

2.4.27. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.28. սույն պայմանագիրն ուժի մեջ մտնելուց հետո օրենսդրությամբ սահմանված կարգով պետական մարմնի հաստատմանը ներկայացնել կազմակերպության ֆինանսատնտեսական գործունեության նախահաշիվը՝ համապատասխան հիմնավորումներով: Նախահաշվի յուրաքանչյուր ծախսային ուղղության մեջ կատարվող փոփոխությունը նախապես՝ մինչև փաստացի ծախսերի կատարումը օրենսդրությամբ սահմանված կարգով համաձայնեցնել պետական մարմնի հետ: Նախահաշվում փոփոխությունների ներկայացման առաջարկի վերջնաժամկետն է 2025 թվականի դեկտեմբերի 15-ը,

2.4.29. սույն պայմանագրով նախատեսված միջոցառումների տարեկան արդյունքները պետական մարմնի կողմից ընդունվելուց հետո կազմակերպությունը միջոցառումների իրականացման արդյունքում առաջացած տնտեսումները (խնայողությունները) վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2026 թվականի հունվարի 24-ը:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանն է վճարում 621968,4 հազար (վեց հարյուր քսանմեկ միլիոն ինը հարյուր վաթսուներեք հազար չորս հարյուր) դրամ՝ (ներառյալ հարկերը, տուրքերը և պարտադիր այլ վճարները): Այդ գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

3.2. Սույն պայմանագրի 3.1-ին կետում նշված գումարը պետական մարմինը կազմակերպությանն է վճարում սույն պայմանագրի Հավելված N 3-ով սահմանված ժամկետներում, կազմակերպության՝ սույն պայմանագրում նշված գանձապետական հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ սույն պայմանագրով սահմանված ցուցանիշներն ու պայմանները խախտելու դեպքում պետական մարմինն իրավունք ունի վերանայել սույն պայմանագրի 3.1-ին կետում նշված գումարի չափը և դրա վճարման ժամանակացույցը:

3.4. Համաձայն «Հայաստանի Հանրապետության 2025 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2025 թվականի ընթացքում ենթակա են վերադարձման ՀՀ պետական բյուջե:

#### **4. ՊԱՅՄԱՆԱԳՐԻ ԺԱՄԿԵՏԸ**

4.1. Սույն պայմանագիրն ուժի մեջ է մտնում կողմերի ստորագրման պահից, տարածվում է 2025 թվականի հունվարի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

#### **5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

5.1. Սույն պայմանագրի 1-ին կետում նշված և կատարված միջոցառումների մասով կազմակերպությունը, ոչ ուշ, քան յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով ոչ ուշ, քան 2026 թ. հունվարի 20-ը պետական մարմինն է ներկայացնում արվեստի ոլորտում տվյալ եռամսյակում հիմնական կատարողական ցուցանիշները (ՀԿՑ)՝ համաձայն Հավելված N 4-ի և ոչ ֆինանսական ցուցանիշների կատարման վերաբերյալ հաշվետվությունը՝ համաձայն Հավելված N 5-ի: Տարեկան ցուցանիշների և հաշվետվության ամփոփման արդյունքում տրված դրական եզրակացության հիման վրա պետական մարմնի կողմից կազմվում է հանձնման-ընդունման արձանագրություն՝ համաձայն Հավելված N 6-ի:

5.2. Սույն պայմանագրի N 1, N 2 և N 4 Հավելվածներում ներառված ցուցանիշներում չեն կարող ներառվել պետական, համայնքային և այլ ֆինանսավորմամբ իրականացվող այլ ծրագրերի (բաժանորդային համակարգ, մրցույթով և առանց մրցույթի դրամաշնորհի ձևով հատկացվող ֆինանսավորում և այլն) արդյունքները:

#### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Սույն պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ սույն պայմանագրի կատարման համար խոչընդոտներ ստեղծելու, մյուս կողմին վնաս պատճառելու կամ կանխատեսվող եկամուտներից զրկելու համար կողմերից յուրաքանչյուրը կրում է պատասխանատվություն մյուս կողմին պատճառած վնասների և բաց թողնված օգուտների լրիվ ծավալով՝ Հայաստանի Հանրապետության օրենսդրությամբ սահմանված կարգով:

6.2. Սույն պայմանագիրը կարող է վաղաժամկետ լուծվել կողմերից որևէ մեկի նախաձեռնությամբ՝ մյուս կողմի՝ սույն պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների և բաց թողնված (չստացված) եկամուտների լրիվ չափով փոխհատուցում:

6.3. Սույն պայմանագիրը վաղաժամկետ դադարեցնելը կամ լուծելը կողմերից որևէ մեկի համար այն կատարել շարունակելը աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում մյուս կողմն իրավունք ունի կամ

ստանալ սույն պայմանագրի 6.1-ին կետով նախատեսված լրիվ փոխհատուցումը, կամ պահանջել սույն պայմանագրի հարկադիր կատարումը:

6.4. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում՝ ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

6.5. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, սույն կետով սահմանված տույժերը վերաբերում են պետական մարմնին ներկայացվող ինչպես ֆինանսական, այնպես էլ՝ բովանդակային հաշվետվություններից յուրաքանչյուրին:

6.6. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմնին հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.7. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.8. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմնին միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:



7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է սույն պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

#### ՊԵՏԱԿԱՆ ՄԱՐՄԻՆ՝

«Կրթության, գիտության, մշակույթի և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
h/h 900011032852, հվհ 02698732


Գլխավոր քարտուղար՝  
Շ. Հակոբյան  
(ստորագրություն)  
Կ.Տ.



#### ԿԱԶՄԱԿԵՐՊՈՒԹՅՈՒՆ՝

«Կամերային երաժշտության  
ազգային կենտրոն» ՊՈԱԿ  
Երևան, Իսահակյան 1  
ՀՀ ՖՆ գործառնական վարչություն  
h/h 900018001736, հվհ 01573197  
հեռ. 010583353

Տնօրեն  
Գ. Սարգսյան  
(ստորագրություն)  
Կ.Տ.



2025 թվականին «Կամերային երաժշտության ազգային կենտրոն» ՊՈԱԿ-ի կանխատեսվող ֆինանսական և ոչ ֆինանսական ցուցանիշները

Ցուցանիշներ	Միավոր	Քանակ
1. Հանդիսատեսի թվաքանակ	մարդ	30960
2. Համերգների քանակ	հատ	129
3. Նոր համերգային համարների քանակ	հատ	8
3. Մեկ համերգի համար դահլիճի միջին բեռնվածությունը (%) <sup>1</sup>	տոկոս	75,0
5. Տոմսերի վաճառքից ստացված հասույթ	հազար դրամ	58050,0
6. Այլ եկամուտներ	հազար դրամ	16000.0

<sup>1</sup> հաշվարկվում է միայն վաճառված տոմսերի քանակով

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
 և սպորտի նախարարություն  
 Երևան, Վ. Սարգսյան 3  
 Կառավարական տուն N 2

ՀՀ ՖՆ գործառնական վարչություն  
 հ/հ 900011032852, հվհհ 02698732

Գլխավոր քարտուղար՝  
 \_\_\_\_\_ Ը. Հակոբյան  
 (ստորագրություն)

Կ. Տ.



**ԿԱԶՄԱԿԵՐՊՈՒԹՅՈՒՆ՝**

«Կամերային երաժշտության  
 ազգային կենտրոն» ՊՈԱԿ  
 Երևան, Իսահակյան 1

ՀՀ ՖՆ գործառնական վարչություն  
 հ/հ 900018001736, հվհհ 01573197

հեռ. 010583353

Տնօրեն

\_\_\_\_\_ Գ. Սարգսյան  
 (ստորագրություն)

Կ. Տ.



«Կամերային երաժշտության ազգային կենտրոն» ՊՈԱԿ-ի 2025 թվականի  
**ՀԱՄԵՐԳԱՑԱՆԿ**

N	Համերգի անվանումը	հեղինակը	ամսաթիվը*	Ժամը*	Հրավիրված երաժիշտ/դերասան*	Այլ
1	Հոգևոր երաժշտության փառատոն / Արուճի տաճար/	Ռոբերտ Մլըքեյան, Քրիստինա Ոսկանյան, Գրիգոր Հարությունյան, Շուշանիկ Շատոկյան	06.01.2025	17:30, 18:30, 19:00		
2	Բարոկո երաժշտության համերգ	Սեդրակ Երկանյան	23.01.2025	19:00		
3	Երգեհոնային երաժշտության համերգ Հովհաննես Մանուկյան		25.01.2025	19:00		
4	Համերգ նվիրված Հայոց բանակի օրվան/ՊՆ/	Ռոբերտ Մլըքեյան	28.01.2025	19:00		
5	Մենահամերգ/երգեհոնային-խմբերգային/	Սոնա Հովհաննիսյան	29.01/2025	19:00		
6	Կոմիտասի թանգարան ինստիտուտի բացման 10 ամյակին և Կոմիտասի անվան ազգային քառյակի 100 ամյակին նվիրված համերգ		29.01.2025			
7	Հայ հոգևոր և աշխարհիկ երաժշտություն	Գրիգոր Առաքելյան, դիրիժոր	30.01/2025	19:00	Արտակ Ասատրյան, դուդուկ	Գրիգոր Նարեկացի. Աչքն ծով. Գրիգոր Առաքելյան. Նախաբան "Երգեր ապաշխ

						արուբյա ն” շարքից (հիմնվա ծ Մեսրոպ Մաշտոց ի շարակա նների վրա)
8	Հայկ Մելիքյանի մենահամերգը՝ նվիրված հայ և շվեյցարացի մեր օրերի կոմպոզիտորների ստեղծագործությու ններին		31.01.2025	19:30		
9	Հորեյանական համերգ՝ Տիգրան Մանսուրյան-85	Ռոբերտ Մլքեյան	07.02.2025	19:00	Գ. Բավեյան, Ա. Ա վանեսով, Տ. Գաբրյան	
10	Կոստան Զարյանի 100-ամյակին նվիրված միջոցառումների մեկնարկ՝ «Հովեր» պետական կամերային երգչախմբի մասնակցությամբ (Տ. Մանսուրյան, «ԱՍԱՑՎԱԾ ՀՈՐ ՀԱՄԱՐ», «ԱՍԱՑՎԱԾ ԵՐԳՉԻ ՀԱՄԱՐ», «ԱՍԱՑՎԱԾ ԱՍՏԴԻ ՀԱՄԱՐ» (խոսք՝ Կոստան Զարյանի)	Սոնա Հովհաննիսյան	08.02.2025	17:00		
11	Երգեհոնային երաժշտության համերգ		08.02.2025	19:00		
12	Դասական երաժշտության երեկո	Սեդրակ Երկանյան	13.02.2025	19:00		
13	ԲԱԽ -340	Հարություն Արզումանյանդ իրիժոր	20.02.2025	19:00	Կարեն Շահգալդյան, ջութակ (Ռուսաստան) Մարտինե	Դաշնամ ուրային կոնցերտ BWV

					<p>Վարնիկ, հորոյ (Ավստրալիա)</p> <ul style="list-style-type: none"> <li>• Կոնցերտ երկու դաշնամուրի համար, դոմինոր Մարինա Գևորգյան, դաշնամուր Անտոնի Չաչիո, դաշնամուր (Իտալիա)</li> <li>• Կոնցերտ ջութակի և նվագախմբի համար, ռեմինոր (Հայաստանյան պրեմիերա) Սոնա Արզումանյան, ջութակ</li> <li>• Կանտատ 150 «Արահետ» վոկալ անսամբլ</li> </ul>	1059 (Հայաստանյան պրեմիերա) Տիգրան Մեսրոպյան, դաշնամուր
14	Երգեհոնային երաժշտության համերգ Լուսին Սառաջյան		21.02.2025	19:00		
15	ԲԱԽ -340	Հարություն Արզումանյան, դիրիժոր	26.02/2025	19:00	<p>Մասնակիցներ՝ Ջութակ -Կարեն Շահգալդյան (Ռուսաստան), Աստղիկ Վարդանյան, Նիկիտա Գելլեր (Գերմանիա), Սոնա Արզումանյան (Գերմանիա) Ֆլեյտա -Նարեկ Ավագյան, Գևորգ Ավետիսյան, Լուսինե Գալստյան Հորոյ- Մարտինե Վարնիկ (Ավստրալիա), Տիգրան Վարդանյան, Արա Իվանյան</p>	Բախ Բրանդե նբուրգյան կոնցերտներ № 1, 3, 4, 5 Եռակի կոնցերտ ֆլեյտայի , ջութակի և դաշնամուրի համար (Հայաստանյան պրեմիերա)

					Գալարավող-Արշավիր Իսահակյան, Արմեն Կարազյան	
16	Հայկական ավանդական երաժշտություն	Սեդրակ Երկանյան	27.02.2025	19:00		
17	Համերգ նվիրված Շարլ Ազնավուրի 100-ամյակին	Ռոբերտ Մլքեյան	02.03.2025	19:00		
18	Կոմիտասի անվան ազգային քառյակի 100 ամյակին նվիրված համերգ «ՌՈՒՍԿԻ ԴՈՄ» ՌՈՒՍԱՍՏԱՆԻ ԳԻՏՈՒԹՅԱՆ ԵՎ ՄՇԱԿՈՒՅԹԻ ԿԵՆՏՐՈՆ-ում		03.2025			
19	Վիվալդի/Պազանի նի		06.03.2025	19:00	Ջանլուկա Մարչանո, դիրիժոր, Հայկ Կազազյան, ջութակ, Ֆելիքս Հարությունյան, ջութակ	
20	Երգեհոնային երաժշտության համերգ Արմեն Աղաջանյան		09.03.2025	19:00		
21	Յ.Ս.Բախ կանտատ N35	Սեդրակ Երկանյան	13.03.2025	19:00		
22	Յոզեֆ Հայդն "Աշխարհի արարումը" օրատորիա The Creation (Die Schöpfung)		18.03.2025	19:00	Javier Ulises Illan, դիրիժոր, Իսպանիա	
23	Երգեհոնային երաժշտության համերգ		22.03.2025	19:00		
24	Համերգ նվիրված Ֆրակաֆոնիայի միջազգային օրվան		26.03.2025		Ֆիլիպ Ամելունգ, դիրիժոր, Գերմանիա	
25	Հայկական երգեր, պարերգեր, նվագներ	Սեդրակ Երկանյան	27.03.2025	19:00		
26	Կլավեսինային երաժշտության համերգ		29.03.2025	19:00		

27	Մենահամերգ Ֆրանկոֆոնիայի երկամսյակի շրջանակում. «Քեզ համար, Ֆրանսիա»	Սոնա Հովհաննիսյան	04.2025	19:00		
28	Կոմիտասի անվան ազգային քառյակի 100 ամյակին նվիրված համերգ ՌԴ Սոչի և Ռոստով քաղաքներում		04.2025			
29	Կոմիտասի անվան ազգային քառյակի 100 ամյակին նվիրված համերգ ԱՄՆ		04-05.2025			
30	ՀՊԿՆ և Ալիմ Շախ	Alim Sach, դիրիժոր, Չեխիա	03.04.2025	19:00		
31	Երգեհոնային երաժշտության համերգ Աննա Բակունց		05.04.2025	19:00		
32	Համերգ նվիրված Ֆրակաֆոնիայի միջազգային օրվան	Սեդրակ Երկանյան	11.04.2025	19:00		
33	Համերգ Լեհաստանի Օլջտին քաղաքում, Մոցարտ «Ռեքվիեմ» (Օլջտինի ֆիլհարմոնիկ նվագախումբ, «Հովեր» պետական կամերային երգչախումբ) Համերգ Լեհաստանի Օլջտին քաղաքում Մոցարտ «Ռեքվիեմ» Օլջտինի ֆիլհարմոնիկ նվագախումբ, «Հովեր» պետական կամերային		12.04.2025		Ալեքսանդր Իրադյան	

	Երգչախումբ					
34	Missa Brevis		12.04.2025	19:00		Նորայր Հարությունյան՝ Կոնցերտ Missa Brevis , պրեմիերա
35	«Հովեր» պետական կամերային երգչախումբի մենահամերգը Լեհաստանի Օլշտին քաղաքում	Սոնա Հովհաննիսյան	13.04.2025			
36	Համերգ նվիրված Ֆրակաֆոնիայի միջազգային օրվան		18.04.2025	19:00	Հմայակ Դուրգարյան	
37	Համերգ նվիրված Ֆրակաֆոնիայի միջազգային օրվան/Գյումրի		19.04.2025	19:00	Հմայակ Դուրգարյան	
38	Երգեհոնային երաժշտության համերգ		19.04.2025	19:00		
39	Համերգ նվիրված Մեծ Եղերնի զոհերի հիշատակին	Ռոբերտ Մլքեյան	22.04.2025	19:00		
40	Համերգ նվիրված Ֆրակաֆոնիայի միջազգային օրվան/Գ. Ֆորե- "Ռեքվիեմ"	Քրիստինա Ոսկանյան	25.04.2025	19:00		
41	Համերգ նվիրված Ֆրանկոֆոնիայի միջազգային օրվան/Վիակում/Արամ Խաչատրյան համերգասրահ/		29.04.2024	19:00	Ֆիլիպ Ամելունգ , դիրիժոր, Գերմանիա	
42	Շնորհանդես-համերգ	Սեդրակ Երկանյան	29.04.2025	19:00		
43	Համերգ նվիրված ջազի միջազգային օրվան		30.04.2025	19:00		
44	«Հովեր» պետ. կամերային երգչախմբի եւ Երեւանի պետական	Սոնա Հովհաննիսյան	05.2025	19:00		



	կոնսերվատորիայի համատեղ համերգ՝ նվիրված Ռ. Ա. Մանգասարյանին					
45	Բախ-Շենդել 340-ամյակի համերգ		05.2025	19:00	Էդուարդ Թոփչյան	
46	Համերգ նվիրված Շարլ Ազնավուրի 100-ամյակին/Գյումրու մարզամշակութային ն կենտրոն/	Ռոբերտ Մլքեյան	01.05.2025	19:00		
47	Համերգ զինվորների համար /Տավուշի մարզ, Մոլսես զորամաս/	Ռոբերտ Մլքեյան	03.05.2025	15:00		
48	Երգեհոնային երաժշտության համերգ Թերեզա Ոսկանյան		03.05.2025	19:00		
49	Համերգ զինվորների համար /Տավուշի մարզ, Մեհրաբի զորամաս/	Ռոբերտ Մլքեյան	04.05.2025	13:00		
50	Համերգ զինվորների համար /Տավուշի մարզ, Բերդի զորամաս/	Ռոբերտ Մլքեյան	05.05.2025	13:00		
51	Մենահամերգ Գերմանիայի Քեմնից քաղաքում (2025 թ. եվրոպական մշակութային մայրաքաղաք)	Սոնա Հովհաննիսյան	08-18.05.2025			
52	Բարձր պոեզիան Մանսուրյանի երաժշտության մեջ	Ռոբերտ Մլքեյան	08.05.2025	19:00		
53	Իտալական երաժշտությունը Ֆիլմերում		10.05.2025	19:00	Վալտեր Սիվիլոտի, դիրիժոր, Իտալիա	
54	Սարսուելաներ	Սեդրակ Երկանյան	15.05.2025	19:00		
55	Արիաներ օպերաներից		05.2025	19:00	Օֆելյա Համբարձումյան սոպրանո Գրետա	

					Բազիլյան մեցցո ստարանո Սուրեն Մքյան տենոր (ԱՄՆ) Դավիթ Բաբայանց բարիտոն	
56	Երգեհոնային երաժշտության համերգ		17.05.2025	19:00		
57	ՀՊԿՆ և Վահագն Պապյան		20.05.2025	19:00	Վահագն Պապյան, դիրիժոր	
58	Եվրոպական երգչախմբային երաժշտություն	Քրիստինա Ոսկանյան	22.05.2025	19:00		
59	Զոն Գրահամ		23.05.2025	19:00		
60	Համերգ նվիրված հանրապետության օրվան		28.05.2025	19:00		
61	Մենահամերգ/Գալինա Յուլյան	Սեդրակ Երկանյան	29.05.2025	19:00		
62	Երգեհոնային երաժշտության համերգ Կարինե Հովհաննիսյան		31.05.2025	19:00		
63	Դասական երաժշտության համերգ մարզերում		06-09.2025			
64	Դասական երաժշտության համերգ մարզերում		06-09.2025			
65	Դասական երաժշտության համերգ մարզերում		06-09.2025			
66	Եվրոպական հյուրախաղերին ընդառաջ		04.06.2025	19:00	Ֆիլիպ Ամելունգ, դիրիժոր, Գերմանիա	
67	Եվրոպական հյուրախաղեր		05.06-07.07.2025		Ֆիլիպ Ամելունգ, դիրիժոր, Գերմանիա	
68	Հոգևոր երաժշտության միջազգային փառատոն Սերբիա, Նիշ	Քրիստինա Ոսկանյան	8-11.06.2025			
69	Ճանապարհ երիտասարդներին	Սեդրակ Երկանյան	12.06.2025	19:00		
70	Երգեհոնային երաժշտության համերգ		14.06.2025	19:00		

71	Հայ պոեզիան խմբերգային երաժշտության մեջ	Ռոբերտ Մլքեյան	18.06.2025	19:00		
72	Երգչախմբի մենակատարների համերգ	Սոնա Հովհաննիսյան	24.06.2025	19:00		
73	Քոչարիներ, հորովելներ	Սեդրակ Երկանյան	26.06.2025	19:00		
74	Երգեհոնային երաժշտության համերգ Աննա Բակունց, Լուսինե Հարությունյան, Թերեզա Ոսկանյան		28.06.2025	19:00		
75	մարզային մենահամերգ / Գլումրի*	Սոնա Հովհաննիսյան	07.2025	19:00		
76	մարզային մենահամերգ / Կապան	Սոնա Հովհաննիսյան	07.2025	19:00		
77	մարզային մենահամերգ / Քաջարան	Սոնա Հովհաննիսյան	07.2025	19:00		
78	Երգչախմբային երկեր - Կոնստանտին Պետրոսյան	Քրիստինա Ոսկանյան	07.07.2025	19:00		
79	Հայկական ավանդական երաժշտություն	Սեդրակ Երկանյան	10.07.2025	19:00		
80	Երգեհոնային երաժշտության համերգ Արփինե Հարությունյան		12.07.2025	19:00		
81	Ժամանակակից կոմպոզիտորների խմբերգային ստեղծագործությու ններ	Ռոբերտ Մլքեյան	16.07.2025	19:00		
82	Բյուֆիֆայդ փրոջեքթը		23.07.2025	20:00		
83	Հայկական ավանդական երաժշտություն	Սեդրակ Երկանյան	24.07.2025	19:00		
84	ՀՊԿՆ և Վահագն Պապյան		25.07.2025	19:00		
85	Կլավեսինային երաժշտության համերգ		26.07.2025	19:00		

86	Համերգ-ելույթ «Կոմիտաս» միջազգային գիտաժողով-փառատոնի շրջանակում	Սոնա Հովհաննիսյան	09.2025			
87	Կոմիտաս-156/Կոմիտասի թանգարան-ինստիտուտ	Ռոբերտ Մլքեյան	09.2025	19:00		
88	Դասական երաժշտության համերգ Կամերային երաժշտության տանը		09.2025			
89	Մենահամերգ /Գայանե Ղամբարյան	Սեդրակ Երկանյան, Սոնա Ղամբարյան	11.09.2025	19:00		
90	Երգեհոնային երաժշտության համերգ		13.09.2025	19:00		
91	2025/2026 Համերգաշրջանի բացում-Բախ 340/Արամ Խաչատրյան համերգասրահ/		19.09.2025	19:00		
92	Համերգ նվիրված ՀՀ անկախության օրվան		20.09.2025	19:00		
93	Մենահամերգ (հայ կոմպոզիտորների ստեղծագործություններ)	Սոնա Հովհաննիսյան	23.09.2025	19:00		
94	Նվիրում Կոմիտասին	Սեդրակ Երկանյան	25.09.2025	19:00		
95	Երգեհոնային երաժշտության համերգ		27.09.2025	19:00		
96	Կոմիտասի հետ / ԱՄՆ, Ֆրեզնո, Կալիֆորնիայի Պետական Համալսարան	Ռոբերտ Մլքեյան	29.09.2025			
97	«Հովեր» պետական կամերային երգչախմբի համերգային շրջագայությունը	Սոնա Հովհաննիսյան	10-12.2025			

	Չինաստանում				
98	«Հովեր» պետական կամերային երգչախմբի համերգային շրջագայությունը Ճապոնիայում	Սոնա Հովհաննիսյան	10-12.2025		
99	Կոմիտասի հետ / ԱՄՆ, Փասադենա, AGBU համերգասրահ	Ռոբերտ Մլքեյան	03.10.2025		
100	Կոմիտասի հետ / ԱՄՆ, Գլենարտեն club, Կալիֆորնիա	Ռոբերտ Մլքեյան	05.10.2025		
101	Հայկական խճանկար	Սեդրակ Երկանյան	09.10.2025	19:00	
102	Երգեհոնային երաժշտության համերգ		11.10.2025	19:00	
103	Դասական երաժշտության համերգ Կամերային երաժշտության տանը		10.2025		
104	Էլվիս Փրեսլի և Ֆրեդդի Մերկուրի		15.10.2025	19:00	
105	Մարիամ Մախլյան/հորեյան ական համերգ	Սեդրակ Երկանյան	23.10.2025	19:00	
106	Հոգևոր և աշխարհիկ խմբերգեր՝ արական կազմով	Քրիստինա Ոսկանյան	24.10.2025	19:00	
107	Երգեհոնային երաժշտության համերգ		25.10.2025	19:00	
108	Մենահամերգ (ժամանակակից արեւմտաեվրոպական կոմպոզիտորների ստեղծագործություններ)	Սոնա Հովհաննիսյան	28.10.2025	19:00	
109	Համերգ նվիրված Ավ. Իսահակյանի 150-ամյակին				
110	Հայ խմբերգային երաժշտության բեմադրված	Սոնա Հովհաննիսյան	11.2025	19:00	

	համերգ					
111	Գուսան Շահեն	Սեդրակ Երկանյան	06.11.2025	19:00		
112	Հոբեյանական համերգ՝ Արմենուհի Կարապետյան	Քրիստինա Ոսկանյան	11.2025	19:00		
113	Երգեհոնային երաժշտության համերգ		08.11.2025	19:00		
114	Դասական երաժշտության համերգ Կամերային երաժշտության տանը		11.2025			
115	Կլավեսինային երաժշտության համերգ		12.11.2025	19:00		
116	Համերգ նվիրված Ռոբերտ Ամիրխանյանի տարեդարձին	Ռոբերտ Մլքեյան	13.11.2025	19:00		
117	ՀՊԿՆ և Ֆ. Մոնդելջի		20.11.2025	19:00		
118	Երգեհոնային երաժշտության համերգ		22.11.2025	19:00		
119	Հոբեյանական համերգ - Վիլիամ Վայներ	Քրիստինա Ոսկանյան	25.11.2025	19:00		
120	Սեդրակ Երկանյան Piano recital	Սեդրակ Երկանյան	27.11.2025	19:00		
121	Երգեհոնային երաժշտության համերգ		06.12.2025	19:00		
122	Հեղինակային համերգ - Վահան Արծրունի	Քրիստինա Ոսկանյան	09.12.2025	19:00		
123	Բարոկկո, երգեհոնային կոնցերտներ	Սեդրակ Երկանյան	11.12.2025	19:00		
124	Համերգ նվիրված Գյումրիի երկրաշարժի զոհեր հիշատակին	Ռոբերտ Մլքեյան	12.12.2025	19:00		
125	Տոնական Համերգ		15.12.2025	19:00		
126	Սուրբ Ծննդյան երգեհոնային երաժշտության համերգ		20.12.2025	19:00		

127	Ջազային համերգ	Քրիստինա Ոսկանյան	23.12.2025	19:00		
128	Գալա համերգ	Սեդրակ Երկանյան	25.12.2025	19:00		
129	Տարեմուտի տոնական համերգ	Սոնա Հովհաննիսյան	12.2025	19:00		

\* -ով նշված սյունակների փոփոխություններ չեն ենթադրում սույն պայմանագրում կատարվող փոփոխություններ (գրավոր կազմված և ստորագրված կողմերի կողմից), և իրականացվում են կազմակերպության առաջարկությամբ պետական մարմնի գրավոր համաձայնությամբ:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
 Երևան, Վ. Սարգսյան 3  
 Կառավարական տուն N 2  
 ՀՀ ՖՆ գործառնական վարչություն  
 հ/հ 900011032852, հվհհ 02698732  
 Գլխավոր քարտուղար՝

\_\_\_\_\_ Հ. Հակոբյան  
 (ստորագրություն)



**ԿԱԶՄԱԿԵՐՊՈՒԹՅՈՒՆ՝**

«Կամերային երաժշտության ազգային կենտրոն» ՊՈԱԿ  
 Երևան, Իսահակյան 1  
 ՀՀ ՖՆ գործառնական վարչություն  
 հ/հ 900018001736, հվհհ 01573197  
 հեռ. 010583353

Տնօրեն՝  
 \_\_\_\_\_ Գ. Սարգսյան  
 (ստորագրություն)



**ՖԻՆԱՆՍԱԿԱՆ ՊԱՐՏԱՎՈՐՈՒԹՅՈՒՆՆԵՐԻ ԿԱՏՐՄԱՆ ՔԱՄԱՆԱԿԱՑՈՒՅՑ**

**Կազմակերպության անվանումը՝ «Կամերային երաժշտության ազգային կենտրոն» ՊՈԱԿ**

**Բյուջետային ծախսերի գործառնական դասակարգման**

Ծրագիր 1168	Միջոցառում 11004	Երաժշտարվեստի և պարարվեստի համերգներ														
		2025 թ. բյուջեից հատկացվող գումարը՝ այդ թվում ըստ ամիսների (աճողական)														
		I եռամսյակ			I կիսամյակ			9 ամիս			տարի			ԸՆԴԱՄԵՆԸ		
1	2	3	4	5	6	7	8	9	10	11	12	13	14	15		
Ընթացիկ դրամաշնորհներ պետական և համայնքային ոչ առևտրային կազմակերպությունն	463700	62196.9	124393.7	176224.4	228055.1	279885.8	373181.1	419828.7	435377.9	497574.7	559771.5	621968.4	621968.4	621968.4		
Ընդամենը		62196.9	124393.7	176224.4	228055.1	279885.8	373181.1	419828.7	435377.9	497574.7	559771.5	621968.4	621968.4	621968.4		

**ՊԵՏԱԿԱՆ ՄԱՐԻՆ**

ՀՀ կրթության, գիտության, մշակույթի և սպորտի նախարարություն  
Երևան, Վ. Սարգսյան 3.  
Կառավարական տուն N 2

ՀՀ ՖՆ գործարանական վարչություն  
հ/հ 900011032852, հվին 02698732



**ԿԱԶՄԱԿԵՐՊՈՒԹՅՈՒՆ**

«Կամերային երաժշտության ազգային կենտրոն» ՊՈԱԿ  
Երևան, Իսահակյան 1

ՀՀ ՖՆ գործարանական վարչություն  
հ/հ 900011032852, հվին 01573197





**«Կամերային երաժշտության ազգային կենտրոն» ՊՈԱԿ-ի  
հիմնական կատարողական ցուցանիշներ (ՀԿՑ)**

**1. Տոմսային տնտեսություն**

1.1. Տոմսային տնտեսության արդյունավետություն՝ տոմս (80%) -հրավիրատոմս (20%) հարաբերակցությունը:

**2. Կառավարում**

2.1. Կազմակերպության բյուջեում վարչական և ստեղծագործական ծախսերի հարաբերակցությունը,

2.2. Վարչական և ստեղծագործական անձնակազմի հարաբերակցությունը (այդ թվում՝ ծառայությունների մատուցման պայմանագրերով ներգրավված),

2.3. «Արվեստի կառավարում» մասնագիտությամբ ուսանողների արտադրական պրակտիկայի կազմակերպում՝ 2 ուսանող,

2.4. Ելույթավճարներ (գործավարձ) ստացող աշխատակիցների թիվն ու ելույթավճարների չափը,

2.5. Պետական ֆինանսավորման տոկոսային հարաբերակցությունը ֆինանսավորման այլ աղբյուրների համեմատ:

**3. Մատուցվող ծառայությունների ընդլայնում**

3.1. Միջոցառումների որակի բարձրացում՝ նոր ծառայությունների մատուցում (ծառայությունների քանակը՝ 2-3),

3.2. Հանդիսատեսի համար նոր հարմարավետ պայմանների ստեղծում և առկա ծառայությունների բարելավում՝ քանակ:

**4. Հարկեր**

4.1. Տարվա ընթացքում գեներացված և վճարված բոլոր տեսակի հարկերը:

**5. Մեկենասների ներգրավում**

5.1. Մեկենասության ինստիտուտի հանրային վարկանիշի բարձրացում՝ գովազդում, տեղեկատվության հրապարակում, լուսաբանում, հանրային ճանաչելիության բարձրացմանն ուղղված այլ միջոցառումներ՝ քանակ,

5.2. Պետություն-մասնավոր համագործակցության ընդլայնում՝ համատեղ իրականացված ծրագրերի քանակը և աջակցության չափը,

5.3. Մասնավոր ոլորտի, միջազգային կազմակերպությունների, արտերկրի, ներկայացուցչությունների աջակցությամբ ձեռք բերված գույք, տեխնիկա, կապիտալ ներդրումներ և վերանորոգում:

**6. Միջազգային համագործակցություն**

6.1. Մասնակցություն միջազգային հեղինակավոր փառատոների և մրցույթների՝ քանակ և արդյունք (առնվազն՝ 1),

6.2. Միջազգային նմանատիպ կառույցների հետ հուշագրերի ստորագրում, համատեղ ծրագրերի իրականացում, քանակը (առնվազն՝ 1),

6.3. Միջազգային ճանաչում ունեցող արվեստագետների ներգրավվածությունը ՊՈԱԿ-ի ստեղծագործական գործունեության մեջ՝ հրավիրված արվեստագետների քանակը (առնվազն՝ 1), իրականացված նախագծերի քանակը (առնվազն՝ 1),

6.4. Հյուրախաղային գործունեություն՝ քանակ (առնվազն՝ 1) և երկրների աշխարհագրություն (առնվազն՝ 1):

**7. Ինքնազբաղ, անկախ արվեստագետների ներգրավում**

- 7.1. Ինքնազբաղ, անկախ արվեստագետների հետ համագործակցություն՝ համատեղ ծրագրերի քանակ (առնվազն՝ 4), դաիլիճի վարձակալություն կամ տրամադրում,
- 7.2. Երիտասարդ արվեստագետների ներգրավում ՊՈԱԿ-ի գործունեությանը՝ 1-2 ստեղծագործող՝ բեմադրիչ, դերասան, երաժիշտ-կատարող և այլն:

**8. Հանրայնացում**

- 8.1. Ներկայություն և ակտիվություն մեդիաներում՝ մասնակցություն հեռուստատեսային և ռադիո հաղորդումներին, հոդվածներ մամուլում, ռեպորտաժներ, անդրադարձներ՝ քանակը (առնվազն՝ 5),
- 8.2. Կազմակերպության գործունեության լուսաբանում օտարերկրյա ՋԼՄ-ներում՝ հոդվածներ/հրապարակումներ/հեռարձակումներ/տեսաձայնագրություններ (առնվազն՝ 1),
- 8.3. Մամուլի ասուլիսներ՝ քանակը,
- 8.4. Մեդիաների ներկայությունը միջոցառումներին և դրանց լուսաբանումները իրենց հարթակներում (առնվազն՝ 20),
- 8.5. Ներկայություն և ակտիվություն սոցիալական ցանցերում՝ SMM ցուցիչներ, Facebook, Instagram, Telegram, կայքէջ՝ հետևորդների քանակ, դիտումներ (Like, Share) այլ ցուցիչներ,
- 8.6. Երաժշտական քննադատական հոդվածների քանակը:

**9. Կրթական մշակութային նախագծեր**

- 9.1 Իրականացված կրթամշակութային ծրագրեր/միջոցառումներ՝ քանակը (առնվազն՝ 1), շահառուներ թիվը (առնվազն՝ 30), թիրախային խմբեր:

**10. Մշակույթի ապակենտրոնացում՝ մարզերի մշակութային ակտիվացում**


- 10.1. Մարզերում իրականացված նախագծերի քանակը (առնվազն՝ 2) և դրանցում ներգրավված մարզերի թիվը (առնվազն՝ 4),
- 10.2. Մարզային կազմակերպությունների հետ համատեղ ծրագրերի քանակը, (առնվազն՝ 1),
- 10.3. Կազմակերպության կողմից մասնակցություն մարզային փառատոներին քանակը:

*1.Որպես հիմնական կարարողական ցուցանիշներ են հանդիսանում նաև Հավելված 1-ով սահմանված ֆինանսական ցուցանիշները:*

**ՊԵՏԱԿԱՆ ՄԱՐՄԻՆ՝**

«Կրթության, գիտության, մշակույթի և սպորտի նախարարություն  
Երևան, Վ. Սարգսյան 3  
Կառավարական տուն N 2  
«ՖՆ գործառնական վարչություն  
h/h 900011032852, հվհհ 02698732

Գլխավոր քարտուղար՝  
Հ. Հակոբյան  
(ստորագրություն)  
Կ. Տ.



**ԿԱԶՄԱԿԵՐՊՈՒԹՅՈՒՆ՝**

«Կամերային երաժշտության ազգային կենտրոն» ՊՈԱԿ  
Երևան, Իսահակյան 1  
«ՖՆ գործառնական վարչություն  
h/h 900018001736, հվհհ 01573197

հեռ. 010588353

Տնօրեն

Գ. Սարգսյան  
(ստորագրություն)  
Կ. Տ.



**ՀԱՇՎԵՏՎՈՒԹՅՈՒՆ  
ՈՉ ՖԻՆԱՆՍԱԿԱՆ ՑՈՒՑԱՆԻՇՆԵՐԻ ԿԱՏԱՐՄԱՆ ՎԵՐԱԲԵՐՅԱԼ**

Ծրագրի կամ քաղաքականության միջոցառման անվանումը	Չափորոշիչը (նկարագրությունը)	Չափորոշիչի տեսակը	Ոչ ֆինանսական ցուցանիշներ					Տարբերության պատճառը (սյուն 2-ում նշված իրավական ակտերի հղումները և սյուն 5-ում նշված տարբերության պարզաբանումները)
			Ցուցանիշի հաստատված կանխա-տեսումը հաշվետու ժամանակահատվածի համար	Ցուցանիշի փոփոխություններն ըստ համապատասխան իրավական ակտի (+/-)	Ճշտված ցուցանիշը հաշվետու ժամանակահատվածի համար (սյուն 1+սյուն 2)	Փաստացի ցուցանիշը (կատարված և ընդունված) հաշվետու ժամանակահատվածում	Հաստատված և փաստացի ցուցանիշների տարբերությունը (սյուն 4-սյ. 3)	
Ա	Բ	Գ	1	2	3	4	5	6

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
h/h 900011032852, հվհհ 02698732

Գլխավոր քարտուղար՝

----- Հ. Հակոբյան  
(ստորագրություն)

Կ. Տ.

**ԿԱԶՄԱԿԵՐՊՈՒԹՅՈՒՆ՝**

«Կամերային երաժշտության  
ազգային կենտրոն» ՊՈԱԿ  
Երևան, Իսահակյան 1  
ՀՀ ՖՆ գործառնական վարչություն  
h/h 900018001736, հվհհ 01573197  
հեռ. 010583353

Տնօրեն՝

----- Գ. Սարգսյան  
(ստորագրություն)

Կ. Տ.

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և  
սպորտի նախարարություն  
Երևան, Կառավարական տուն 2  
ՀՎՀՀ՝ 02698732

**ԿԱԶՄԱԿԵՐՊՈՒԹՅՈՒՆ՝**

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ  
ՀԱՆՁՄԱՆ – ԸՆԴՈՒՆՄԱՆ**

ք. Երևան

Պայմանագրի համարն ու կնքման ամսաթիվը N « ----- » « --- » 2025 թ.

Պետական մարմինը՝ ի դեմս ՀՀ կրթության, գիտության, մշակույթի և սպորտի  
նախարարության գլխավոր քարտուղար Հ. Հակոբյանի, և Կազմակերպությունը, ի դեմս  
\_\_\_\_\_ -ի տնօրեն \_\_\_\_\_ ի, հիմք  
(կազմակերպության անվանումը) (անուն ազգանուն)

ընդունելով պայմանագրի կատարման վերաբերյալ բովանդակային վարչության « »  
« » 2025 թ.-ի դրական եզրակացությունը, կազմեցին սույն արձանագրությունը հետևյալի  
մասին.

Կազմակերպությունը պայմանագրի շրջանակներում իրականացրել է  
\_\_\_\_\_ միջոցառումը, իսկ Պետական մարմինն վճարել է դրա դիմաց՝  
պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
Երևան, Վ. Սարգսյան 3  
Կառավարական տուն N 2  
ՀՀ ՖՆ գործառնական վարչություն  
h/h 900011032852, հվհհ 02698732  
Գլխավոր քարտուղար՝

----- Հ. Հակոբյան  
(ստորագրություն)

Կ. Տ.

Գլխավոր քարտուղարի տեղակալ՝

----- Վ. Գասպարյան  
(ստորագրություն)

**ԿԱԶՄԱԿԵՐՊՈՒԹՅՈՒՆ՝**

«Կամերային երաժշտության  
ազգային կենտրոն» ՊՈԱԿ  
Երևան, Իսահակյան 1  
ՀՀ ՖՆ գործառնական վարչություն  
h/h 900018001736, հվհհ 01573197  
հեռ. 010583353  
Տնօրեն՝

----- Գ. Սարգսյան  
(ստորագրություն)

Կ. Տ.